



UNIVERSITI
MALAYA



LAPORAN
TAHUNAN **2021**



Kandungan

01.	Maklumat Korporat dan Latar Belakang Universiti Malaya	xii
02.	Perutusan Naib Canselor	19
03.	Strategi Korporat	41
04.	Akademik dan Antarabangsa	65
05.	Penyelidikan dan Inovasi	79
06.	Hal Ehwal Pelajar	129
07.	Penciptaan Nilai dan Perusahaan	153
08.	Pengantarabangsaan dan Jaringan Global	175
09.	Pembangunan Infrastruktur	201
10.	Pentadbiran Organisasi dan Pengurusan Insan	265
11.	Pusat Perubatan Universiti Malaya	275
12.	Kewangan	315





Maklumat Korporat dan Latar Belakang Universiti Malaya

Visi, Misi, Nilai - Nilai Teras, Polisi Kualiti, Piagam Pelanggan	vi
Matlamat Pendidikan	vi
Selayang Pandang	vii
Canselor	x
Pro-Canselor	xi
Lembaga Pengarah Universiti	xii
Pengurusan Universiti	xiii
Penolong Naib Canselor	xiv
Pegawai Utama Pusat Tanggungjawab Akademik	xv
Carta Organisasi	xvi
Laporan Tarikh dan Statistik Kehadiran Mesyuarat Lembaga Pengarah Universiti (LPU) bagi Tahun 2021	xvii



Visi

Universiti bertaraf global yang memberi impak pada dunia.



Misi

Melangkau batasan ilmu dan membentuk pemimpin beraspirasi.



Nilai-Nilai Teras

- Kesungguhan
- Perpaduan
- Integriti
- Keikhlasan
- Empati



Slogan

Berbakti untuk Negara. Memberi Impak pada Dunia



Polisi Kualiti

Universiti Malaya beriltizam untuk melaksanakan pengajaran dan pembelajaran, menjalankan penyelidikan dan perkhidmatan yang berkualiti, menjana ilmu pengetahuan dan meningkatkan keilmuan melalui usaha penambahbaikan berterusan untuk manfaat semua pelanggan, khususnya pelajar Universiti Malaya.



Piagam Pelanggan

Kami komited untuk:

- Menghasilkan graduan berkualiti melalui pengalaman pembelajaran yang transformatif dan kondusif.
- Menerajui pengetahuan termaju melalui kerja-kerja penyelidikan dan perundingan.
- Menyediakan sumber terancang untuk memperkayakan pengalaman pembelajaran dan penyelidikan.
- Memupuk dan mengurus bakat untuk keperluan negara.
- Terlibat secara aktif dalam usaha-usaha pembangunan negara dan masyarakat setempat.
- Menyediakan penyelesaian dan kapasiti pengetahuan kepada pihak industri dan organisasi.
- Mengantarabangsakan universiti untuk menjadi sebuah universiti bertaraf dunia.



Matlamat Pendidikan

Siswazah Universiti Malaya akan berkeupayaan untuk:

- Menunjukkan bahawa mereka berpengetahuan dan berkemahiran dalam bidang pengajian mereka, penyelidikan dan amalan profesional serta proses pemikiran kritis, pemikiran kreatif dan penyelesaian masalah.
- Menggunakan kaedah yang berkesan termasuk teknologi semasa untuk mengurus maklumat, untuk mencapai kepelbagaian matlamat profesional selaras dengan piawaian profesional serta membuat keputusan berdasarkan maklumat dan hasil penyelidikan.
- Melibatkan diri dalam pembangunan sendiri dan pembangunan profesional secara berterusan, menyokong pembangunan profesional orang lain dan menunjukkan sikap kepimpinan dan profesional yang positif serta berbudi pekerti bagi amalan yang berkesan.
- Berkomunikasi secara berkesan dengan ahli profesional yang lain, masyarakat dan mempamerkan wawasan jelas terhadap tanggungjawab sosial.
- Menghayati dan sentiasa berpandukan nilai-nilai teras Universiti Malaya iaitu integriti, hormat, kebebasan akademik, berfikir terbuka, kebertanggungjawaban, profesionalisme, meritokrasi, semangat kerja berpasukan, kreativiti dan tanggungjawab sosial.



Selayang Pandang

Universiti Malaya (UM) merupakan universiti pertama yang ditubuhkan di Persekutuan Tanah Melayu (Malaya) dengan penggabungan King Edward VII College of Medicine (ditubuhkan pada 1905) dan Raffles College (ditubuhkan pada 1928) pada 8 Oktober 1949.

Penubuhannya menjadi pemacu kepada kemajuan pendidikan di Tanah Melayu pada ketika itu sehingga tertubuhnya dua cawangan yang memiliki autonomi sendiri di Kuala Lumpur dan Singapura pada tahun 1959. Bagi memperkukuhkan pendidikan tinggi di kedua-dua negara, status universiti cawangan perlu dinaik taraf kepada universiti awam. Dengan lulusnya Akta Universiti Malaya pada tahun 1961 oleh Parlimen, UM telah diiktiraf sebagai universiti awam di Malaysia.

UM yang dikenali pada hari ini secara rasminya diiktiraf sebagai universiti awam untuk Persekutuan Tanah Melayu pada 1 Januari 1962. Matlamat awalnya untuk menyediakan pendidikan tinggi kepada penduduk Tanah Melayu telah berjaya melahirkan pemimpin dan intelektual dalam pelbagai bidang. Ketika Malaysia melalui pelbagai proses transformasi dalam dunia pendidikan, UM terus melipatgandakan usahanya bagi menjayakan visinya untuk menjadi sebuah universiti bertaraf global yang memberi impak pada dunia.

Dalam menjayakan wawasan murni ini, UM ditunjang oleh 2 akademi, 13 fakulti, 2 institut dan 3 pusat akademik yang merangkumi bidang perubatan, sains, teknologi, sains sosial serta sains kemasyarakatan. UM juga mempunyai hospital pengajaran yang pertama dan terbesar di Malaysia iaitu Pusat Perubatan Universiti Malaya (PPUM). Selain daripada itu, dalam usahanya memangkin penemuan dan perkembangan ilmu, Kluster Penyelidikan telah diwujudkan. Penubuhan kluster ini menawarkan penemuan terbaharu dan penyelesaian terkini dalam pelbagai bidang. Penekanan terhadap bidang penyelidikan diperkukuhkan dengan penubuhan pusat-pusat kecemerlangan di pelbagai pusat pengajian. Pengajaran, penyelidikan, penerbitan, inovasi dan komersialisasi menjadi tunggak usaha UM dalam menyumbang kepada dunia akademik dan masyarakat.



Berpegang utuh pada aspirasi nasional, UM terus memantapkan dan memperkukuhkan kedudukannya dalam dunia akademik, baik di peringkat kebangsaan mahupun antarabangsa. UM berjaya menempatkan dirinya dalam kalangan universiti terbaik dunia apabila berada pada kedudukan ke-65 dalam penarafan Quacquarelli Symonds (QS) World University Rankings 2021/2022. Bagi QS Asia University Rankings 2021/2022 pula, UM berada di kedudukan ke-8. Selain itu, dua (2) subjek di UM turut tersenarai dalam kelompok 50 terbaik dunia oleh QS World University Rankings by Subject 2021, iaitu *Library & Information Management* dan *Electrical & Electronic Engineering*. Dalam QS Graduate Employability Rankings 2021/2022, UM berada dalam kelompok 131-140 di dunia. UM juga kekal sebagai institusi bertaraf 5 Bintang berdasarkan QS Stars University Rating System.

Tidak pernah alpa dengan segala pencapaian yang ada, UM terus memperkukuhkan kedudukannya dengan meraih pelbagai pengiktirafan antarabangsa, antaranya:

Berada di kedudukan kelompok 301-350 bagi Times Higher Education (THE) World University Rankings 2021/2022, kedudukan ke-49 untuk THE Asia University Rankings 2021, kedudukan ke-36 untuk THE Emerging Economies University Rankings 2021/2022 dan di kedudukan ke-101-200 untuk THE University Impact Rankings 2021;

Berada dalam kedudukan band 301-400 universiti terbaik dunia dalam Academic Ranking of World Universities (ARWU) 2021;

Berada di kedudukan ke-32 terbaik dunia, ke-7 di Asia dan ke-5 bagi Latar Kampus di Pusat Bandar dalam UI GreenMetric World University Rankings 2021 berdasarkan usaha kelestarian kampus hijau dan pengurusan alam sekitar; dan

Berada di kedudukan ke-370 di dunia serta di kedudukan ke-56 di Asia dalam Ranking Web of Universities (Webometrics) 2021 (Edisi Julai).

Kesemua pencapaian dan pengiktirafan yang diterima jelas menobatkan UM sebagai universiti terbaik di Malaysia dan antara terbaik di pentas dunia.